

Prve BH besplatne novine

Superinfo

Najčitaniji u centralnoj BiH

4. 11. 2014. / broj 167

m:tel

imate prijatelje!



MILLGRAMMA

ARENA ZENICA 08.11.2014.

CJENA ULAZNICE 10 KM, START 20:00 H

PRODAJA ULAZNICA ZA KONCERT OD 22.10. 2014 ISPRED ROBNE KUĆE BOSNA - ZENICA,
U AGENCIJI VTA - TRAVNIK I U TURISTIČKOJ AGENCIJI ALMY - ZAVIDOVIĆI



PIN BH

rfize

TNT
RADIO

Zenica Radio

Narodni
RADIO

S

radio
zenit
Radio u život je najbolje dobro



PONUDA ZA NOVEMBAR 2014.



Grije do -15°C

G¹⁰ Inverter



Najjeftiniji inverter mono split sistem u izvedbi toplinske pumpe, pouzdano grijanje na -15°C, model CHANGE s inverterskom regulacijom kapaciteta

- Energetska učinkovitost klase A
- Rad u širokom rasponu frekvencija
- Prikaz ambijentalne i zadane temperature
- Turbo
- Tempirano isključivanje prilagođeno ljudskim navikama
- Osjetni senzor
- Funkcija pamćenja
- Nekoliko opcionalnih filtera za očuvanje zdravlja
- Automatsko čišćenje
- Širokokutno raspršivanje zraka
- Pokretanje pri niskome napon
- Nezavisni sustav za odvlaživanje
- Inteligentno odmrzavanje
- Zaključavanje



Čelični čučavac

55x65

51,00
KM/kom



Čelična tuš kada

80x80x16

51,00
KM/kom



Čelična kada

115,50
KM/kom

Dimenzije:
120x70
140x70
160x70

EGE sanitarija

Viseča školjka



Umivaonik 45 cm



59,00
KM/kom

31,30
KM/kom

Simplon školjka



Baltik školjka



50,90
KM/kom

50,90
KM/kom

U ponudi imamo klasične čelične kade koje su obostrano emajlirane, italijanskog proizvođača „SMAVIT“, dostupne su u svim dimenzijama. Takođe, u ponudi imamo i čelične tuš-kade u dimenzijama 80x80x16, kao i čelične čučavce dimenzija 55x65

Keramika
I KLASA
30x30



**TOP
CIJENA**

9,95
KM/m²

EGE sanitarija se nalazi među 8 najvećih turskih proizvođača. Vrhunski kvalitet robe opravдан je mnogim atestima o kvaliteti. EGE sanitarija prisutna je u 36 zemalja i 150 uvoznika.

Izaberite za sebe jedan od prekrasnih modela koje imamo u ponudi!

"PERO" Zenica d.o.o.
Sarajevska 97, Zenica
Tel: 032 224 080
Email: info@pero.ba
Web: www.pero.ba

Podružnice:
Jajce: 030 659 116
Maglaj: 032 617 777
Vareš: 032 849 150
Valšić: 030 294 505

PERO
kuću gradi...



INTERVIEW

SEMIR ŠERIĆ ŠERA

Dobrodošli u Arenu

Zenica će 15. novembra u pravom smislu biti plesni centar Bosne i Hercegovine, jer će tog dana u organizaciji Plesnog kluba Shadows u Areni biti održano Državno prvenstvo u latinoameričkim plesovima, ali i još nekoliko pratećih plesnih programa i takmičenja. Upravo zbog toga je ovaj put naš sagovornik u rubriki Interview sedmice osnivač i predsjednik Shadowsa, Semir Šerić Šera.

Superinfo: Šta nas očekuje 15. novembra u Areni i kakva su predviđanja organizatora kada je broj učesnika u pitanju?

„Shadows je u zadnje tri godine već drugi put domaćin ovakvog takmičenja, što je za nas velika čast, ali i obaveza, jer je Plesni savez BiH naš klub prepoznao kao ozbiljnog organizatora i dobrog domaćina takmičenja ove vrste. S obzirom na to da je ovaj put na programu Državno prvenstvo u latinoameričkim plesovima, što je najveći događaj godine za sve plesače u našoj zemlji, a da će se istog dana održati i bodovni turnir u latinoameričkim i standarnim plesovima za sve kategorije, uz takmičenje latino formacija, školske i lige i solo plesa, očekujemo rekordan broj učesnika iz cijele BiH - Banja Luke, Tuzle, Mostara, Srbca, Sarajeva, Cazina, Bihaća, Brčkog i ostalih bh. gradova. Posjetitelji u Areni zemica zaista će moći uživati u izvedbi više od 400 takmičara u svim starosnim kategorijama, među njima naravno i omladinaca te seniora, čiji je nastup i najatraktivniji i koji će biti u završnom dijelu programa. Takmičenje počinje u 13 sati, a završava finalnim programom u 19,30 sati.“

Superinfo: Kakva su očekivanja domaćina kada je u pitanju nastup zeničkih plesača?

„U našem klubu trenutno su uglavnom nešto mlađi i neiskusniji takmičari. Bili bi-



smo zadovoljni plasmanima u finale, barem u dvije kategorije, s tim da u jednoj kategoriji imamo i par koji se može boriti za medalju. Također, očekujemo i zapažene rezultate naših formacija koje su nas već navikle na odlične rezultate i plasmane među tri najbolje. Ove godine očekujemo ih i takmičenja van BiH. Na prvenstvu u Zenici nastupit će ukupno 50-ak plesača Shadowsa, tako da će i zenička publika imati za koga navijati i koga podržavati. Naš moto je da gledaoci uvijek navijaju za svoje, a podrže sve učesnike, bez obzira iz kojeg kluba i grada dolaze. U svakom slučaju, ovo takmičenje je istinska poslastica za sve ljubitelje plesa i uvjeren sam da će gledaoci u Areni imati u čemu uživati i da će tribine biti ispunjene.“

Superinfo: Shadows je klub sa više od dvije decenije tradicije u plesnom sportu BiH. Možete li naše čitaoce upoznati sa svime onim što je Shadows napravio proteklih godina?

„Klub je osnovan sada već davne 1993. godine i u proteklih 21 godinu

zaista se imamo čime ponositi, kako na planu sportskog plesa, isto tako i na promociji plesne kulture u gradu i široj zeničkoj regiji, i to među različitim starosnim populacijama kojima smo približili ljepotu plesa i druženje koje ples nosi sa sobom. Prema našim podacima, više od 15 hiljada polaznika prošlo je kroz naše plesne škole i u Shadowsu su napravili prve plesne korake. Sportski rezultati Shadowsa su impresivni, sa više od 50 medalja osvojenih na takmičenjima u BiH i van naše države. Jedan od većih uspjeha je i učešće našeg amaterskog para na Svjetskom prvenstvu 1998. godine, gdje smo predstavljali BiH. Pet puta smo dali pravke naše zemlje, a trenutno također imamo aktivne pravke BiH u pionirskoj kategoriji.“

Superinfo: Državno prvenstvo, čiji ste organizator, samo je jedna od aktivnosti kluba ovih dana. Jesu li vrata Shadowsa otvorena i danas za one koji se žele upoznati sa ljepotama plesa i plesnog pokreta?

„Naravno. Naše škole plesa vrše stalni upis te su svakodnevno otvorene u prelijepom prostoru i ambijentu Arenе. Shadows je prepoznatljiv po klasičnim školama plesa za sve starosne kategorije, a jedna od atraktivnijih ponuda u posljednje vrijeme je škola salse koju vodi svjetski prvak Vojislav Marčeta, naš gost instruktor sa kojim imamo odličnu saradnju. I ovom prilikom sve sugrađane pozivamo da nas posjete i pridruže nam se u Areni, jer ples je izvrstan način da se zabavite, opustite, družite i kvalitetno provedete vrijeme. Također, ples ne poznaje starosne granice - pa tako u klubu danas vježbaju i mališani od četiri godine, ali i naši članovi sa šezdeset i više godina starosti.“

NA DODJELI NAGRADA "DOBRO ZA FILANTROPIJU 2014"

Priznanje za ArcelorMittal Zenica



ArcelorMittal Zenica proglašen je za jednu od 16 najodgovornijih kompanija u Bosni i Hercegovini, na ceremoniji dodjele nagrade „DOBRO za filantropiju 2014”, koju tradicionalno organizuju Fondacija Mozaik i Agencija MaŠta, uz podršku Evropske unije i Balkanskog fonda za demokraciju. Od ukupno 43 nominirane kompanije u uži izbor je ušlo 16, sa ciljem da se istaknu i prepoznaju one koje su svojim radom i finansijskom podrškom

značajno doprinijele razvoju zajednica, ali i da se druge kompanije i pojedinci potaknu da svojim doprinosom osnaže razvoj društvene zajednice i uspješnim primjerima pokažu da je zaista „dobre biti dobar“. Ove godine su u posebnom fokusu bile i donacije namijenjene pomoći najugroženijim lokalnim zajednicama tokom i nakon katastrofalnih poplava u maju ove godine, a za koje je Kompanija ArcelorMittal Zenica izdvojila 500.000 KM.

OPĆINA ŽEPČE Potpisano 65 ugovora za sanaciju stambenih objekata

Direktor Federalnog fonda za pomoć nastradalim područjima od prirodne nesreće na teritoriji FBiH Jasmin Jaganjac i načelnik općine Žepče Mato Zovko krajem prošlog mjeseca su potpisali 65 tripartitnih ugovora za obnovu stambenih objekata na području općine Žepče, u vrijednosti od 147.000 KM. Na vredna sredstva su namijenjena za nabavku materijala (70 % sred-



stava) za sanaciju stambenih objekata oštećenih uslijed prirodne nesreće, dok je preostalih 30 % sredstava direktno uplaćeno na račune krajnjih korisnika.

KAMPANJA MUP-A ZDK

Zloupotreba opojnih droga i maloljetnička delinkvencija

Zloupotreba opojnih droga i maloljetnička delinkvencija, naziv je kampanje MUP-a ZDK koja je nedavno započela obilaskom osmih i devetih razreda u zeničkim osnovnim školama „Mak Dizdar“ i „Edhem Mulabdić“. Kampanja čiji su fokus interesovanja posljedice konzumiranja opojnih sredstava od strane malodobnih osoba, kao i maloljetnička delinkvencija, trajeće do 1. decembra, a planirano je da se održe predavanja u 1.079 razreda za 21.580 učenika osmih i devetih razreda osnovne škole i sve srednjoškolce na području Kantona. Inače, čelni ljudi MUP-a ZDK su na press konferenciji istakli da su predizborna kampanja u Kantonu, Opći izbori te obezbjeđenje nogometne kvalifikacione utakmice između BiH i Belgije prošli bez incidenta, za što je MUP ZDK dobio i pohvale. Policijski komesar Semir Šut je objasnio kako je obezbijeđeno 445 predizbornih skupova u ZDK, na kojima je bilo oko 70.000 ljudi, a kada su u pitanju sami izbori obezbijeđeno je 489 glasačkih mesta te je zabilježeno samo jedno narušavanje javnog reda i mira.



UVEZIVANJE POLICIJSKIH SINDIKATA Zajednički interes za sve policajce i uposlenike MUP-a u Federaciji BiH

Savez sindikata policije i uposlenika u Ministarstvima unutrašnjih poslova u Federaciji BiH formiran je nedavno u Zenici. Osnovni razlog njegovog osnivanja je zajedničko sindikalno djelovanje na čitavom području Federacije BiH, gdje bi se posred trenutnog djelovanja na kantonalnom, otvorio i prostor sindikalnog djelovanja i jačanja na entitetском i državnom nivou. Naime, sve se to radi s ciljem objedinjavanja i ostvarivanja zajedničkih interesa i aktivnosti u vođenju pregovora, zaključivanju granskog kolektivnog ugovora, obezbjeđenja, razvoja i realizacije kvalitetnog radno-pravnog statusa sindikalnog članstva i utjecaja na donošenje zakonske i podzakonske regulative od značaja na radnu, ekonomsku i socijalnu sigurnost sindikalnog članstva i njihova radno pravna zaštita.

EPILOG SASTANKA U VLADI ZDK

UNDP sanira oštećene, a Fond gradi uništene kuće

Direktor Federalnog fonda za sanaciju posljedica elementarne nepogode u Federaciji BiH Jasmin Jaganjac, premijer ZDK Munib Husejnagić, gradonačelnik Zenice Husejin Smajlović i predstavnik preduzeća Komgrad ZE Muhamed Šibonjić, u funkciji izvođača rada, potpisali su u Zenici ugovor o sanaciji klizišta kod sela Kolići. Posao će biti završen za 45 dana, a vrijednost ugovora je 175.000 KM. Ovo potpisivanje dogodilo se na sastanku u sjedištu Vlade ZDK kojim je rukovodio direktor Fonda, a kome su prisustvovali Marijan Oršolić, župan Posavske županije, Bahrija Umihanić, premijer Tuzlanskog kantona, Munib Husejnagić, premijer ZDK te gradonačelnici Tuzle – Jasmin Imamović i Zenice Husejin Smajlović. Učesnik radnog dogovora bio je i Edis Arifa-



gić, voditelj UNDP-ovog programa oporavka. Premijer i gradonačelnici su analizirali stanje na sanaciji posljedica poplava koje su se desile u maju i avgustu te razmijenili iskustva u aktivnostima na obnovi objekata stradalih u prirodnoj nesreći.. Porodice koje su ostale bez domova treba što prije zbrinuti i

zbog toga su predstavnici Fonda i UNDP insistirali na jedinstvenom konceptu obnove objekata, a to je prvenstveno bila namjera prilikom sazivanja ovog sastanka. "Pošto je neophodno kanalizati sredstva i imati zajednički stav o prioritetima, sjeli smo da se dogovorimo i raspodijelimo zadatke. Uspjeli

smo iskristalisati da se oštećenim kućama bavi UNDP, a da uništene kuće koje treba ponovo graditi preuzme Federalni fond. Svjesni smo i da ne možemo sve kuće napraviti u kratkom roku, ali nastojat ćemo da to bude što prije", kazao je Jasmin Jaganjac, direktor Federalnog fonda.

ZDRAVSTVENA ZAŠTITA DIJABETIČKIH BOLESNIKA U ZDK Besplatne trake za određivanje glukoze u krvi

Ugovor za nabavku test traka za određivanje glukoze u krvi za inzuloovisne pacijente, uz dodjelu glukometara, potpisani je između Zavoda zdravstvenog osiguranja ZDK i "MGM Farm" d.o.o. Kakanj. Težina ugovora kojeg su parafirali Senaid Begić u ime ZZO ZDK i Mensur Mušija u ime MGM-a, je 48.906 KM i podrazumjeva besplatnu podjelu 110.000 trakica za inzuloovisne pacijente starije od 18 godina i podjelu 2.000 glukometara takođe za inzuloovisne pacijente. „Što se tiče kategorisanja iznad 18 godina, to je zato što je za maloljetne nabavka trakica obezbjeđena besplatno putem Federalnog zavoda zdravstvenog osiguranja. Ovo je rezultat razgovora i dogovo-



ra između resornog ministarstva zdravstva, Zavoda zdravstvenog osiguranja i predstavnika različitih udruženja oboljelih od dijabetesa", kazao je direktor ZZO ZDK Senaid Begić, dodavši da su oni u toku ove godine sarađujući sa Ministarstvom zdravstva ZDK obezbjedili i oko 50.000 KM za Januviju, lijek za tip 2 oboljelih od dijabetesa i evidentirali otprilike 50 pacijenata u 2014. godini za tu kategoriju oboljelih od dijabetesa. Spiskovi su ažurirani i obezbjeđenje tog lijeka je počelo od jula. Kada je u pitanju ovaj lijek i u 2015. godini će se obezbjediti na način da će se obezbjediti dodatni izvor sredstava i to će u konačnici na godišnjem nivou biti oko 100.000 maraka samo za ovaj lijek.

Foto Express Kratina

Tel/fax: 032 404 778 kratina@bih.net.ba www.fotokratina.ba

**NAJJEFTINIJE
FOTOGRAFIJE U GRADU !!!**

Poslovница1: Biznis centar Aksa

Radno vrijeme od 8 do 19 h
subotom od 8 do 16 h



NEZADOVOLJSTVO STUDENATA UNIVERZITETA U ZENICI Održan skup upozorenja



Nekoliko stotina studenata Univerziteta u Zenici održali su ispred Rektorata 15-minutni skup upozorenja koji je, kako su poručili, ishod dugogodišnjeg nerada i zanemarivanja gorućih problema na Univerzitetu u Zenici. Iz Unije studenata UNZE, koja je bila organizator protesta, saopšteno je kako su u proteklom periodu zaprimili niz žalbi i informacija o kršenju Statuta Univerziteta u Zenici, studentskih prava te o sprečavanju izvršavanja studentskih obaveza, od strane nastavnog i nenastavnog osoblja, i u skladu s tim studenati su odlučili reagovati. Nuraga



Galamić, potpredsjednik USUNZE je objasnio kako su studenti izašli kao podrška Uniji studenata u zahtjevima dostavljenim Senatu i svim tijelima Univerziteta "zbog kršenja Statuta i neprovodenju Bolonjskog procesa". Iz Unije studenata UNZE su ustvrdili kako su studenti postali robovi pojedinaca koji zloupotrebljavaju svoje položaje, da su studenti izloženi prijetnjama pojedinaca, lažima i dezinformacijama u vezi Statuta Univerziteta u Zenici te da su studenti postali uplašeni „taoci“ sistema koji ne funkcioniše, i iz dana u dan gube volju i strpljenje.

VISION FISKALNE KASE

KUPOVINOM FISKALNE KASE NISTE RIJEŠILI SVE PROBLEME!

ZAŠTO ODABRATI NAS?

Nudimo Vam najveću ponudu fiskalnih uređaja i stručnu servisnu podršku i prodajno osoblje!

032 221-333

Naš servis posjeduje certifikate svih važnijih proizvođača fiskalnih uređaja u FBiH ili nas kontaktirajte putem telefona 032 221 333 ili putem e-maila: kerim@visiondoo.com

AKCIJA PROSVJETARA IZ SLOVENIJE Pomoć za ugrožene nastavnike u ZDK

Osmero nastavnika iz ZDK čije su kuće stradale tokom majske prirodnih nesreća, dobili su nedavno novčanu pomoć koju je prikupio Sindikat obrazovanja, znanosti i kulture Slovenije. Novac, tačnije 11.500 eura, je uručen tokom posjete delegacije iz Slovenije, koja je sa predsjednicima Samostalnog sindikata osnovnog obrazovanja i odgoja ZDK i Sindikata srednjeg i visokog obrazovanja, odgoja, nauke i kulture ZDK, Selvedinom Šatorovićem i Đevadom Hadžićem, obišla ove nastavnike u Olovu, Željeznom Polju kod Žepča i Maglaju. Tako

je Edhem Mahmić, otac troje djece, dobio 2.500 eura, dok su po 1.250 eura doobile Mevla Imamović te Amer i Esma Ahmić, a po 1.000 eura Azra Pašić, Ervina Biberović, Samira Mujkanović, Šefika Mahmić i Sanja Petrović. „Svi smo čuli za katastrofu koju je doživio ovaj kraj pa su stoga i članovi našeg sindikata željeli pomoći ove ljudi. Skupili smo novac i putem naših sindikalnih prijatelja iz ZDK smo im ga sada i dostavili“, kazala nam je Jelka Velički, predsjednica Sindikata obrazovanja, znanosti i kulture Slovenije.



U DRUGOJ OSNOVNOJ ŠKOLI U ZAVIDOVIĆIMA Knjige i školski pribor za romsku djecu

U organizaciji romskih udruženja "ŽENE ROMKINJE" i "SRCE ISTINE", a uz pomoć Ambasade Norveške u BiH, u Drugoj osnovnoj školi u Zavidovićima podijeljen je školski pribor i knjige za djecu romske populacije koja pohađaju ovu školu. Nusreta Bajrić i Muhamed Tahirović, predsjednici romskih organizacija zahvalili su se Ambasadi Norveške i Drugoj osnovnoj školi zbog dobrog odnosa prema romskoj djeci iz Zavidovića.



OPĆINA ZENICA

Superodlikaši na prijemu kod gradonačelnika

Prošlu školsku godinu od 1.786 maturanta iz zeničkih srednjih škola, njih 162 je završilo sa odličnim uspjehom u sva četiri razreda i tako se "oslobodili" polaganja mature. Inače, 11-oro ih je proglašeno učenicima generacije u svojim školama i njih će Općina Zenica nagraditi stipendijama u vrijednosti od 1.000 KM. To su: Emir Baručija (Prva gimnazija), Lejla Horić (Druga gimnazija), Luka Abramušić (Opća gimnazija Katoličkog školskog centra Sv. Pavao), Melisa Halilović (Medsinska škola), Zerina Husaković (Ekonomski škola), Sedin Hadžić (Škola za stručno obrazovanje i radno osposobljavanje), Kenan Pašalić (Tehnička škola), Ammar Biser (Muvička škola), Samir Purić (Mješovita srednja škola), Šemsudin Durmo (MS – Industrijska škola) i Amra Spahić (SMŠ Mladost). Ukoliko



tokom studija zadrže visok prosjek ocjena, ovi će studenti do kraja školovanja imati pravo na godišnju stipendiju Općine od 1.500 KM. I ove godine celni

čovjek grada, načelnik Husejin Smajlović, upriličio je prijem za njih. Osim lijepih želja upućenih mladim odlikašima da isto nastave školovanje na visokoobra-

zovnim ustanovama te da imaju puno sreće u životu, uručio im je i poklone - prigodnu knjigu i jednokratnu novčanu pomoć u iznosu od po 100 maraka.

DELEGACIJA USKUDARA POSJETILA ZENICU

Dogovorena konkretna pomoć na terenu

U posjeti gradu Zenici boravila je nedavno delegacija iz istanbulске općine Uskudar (Republika Turska), koja je inače općina poveratnik Zenici. Povod posjete bila je priprema za realizaciju obećanja koja je dao načelnik općine Uskudar Hilmi Turkmen prilikom posjete delegacije Asocijacije Mostova Prijateljstva u Uskudaru prije nešto više od mjesec dana. Podsetimo, tada je načelnik Turkmen obećao da će općina

Uskudar izgraditi moderan park u Zenici, kao i da će pomoći u realizaciji projekta iz oblasti komunalne infrastrukture u nemilskom sливу. Takoder je obećao i nabavku sofisticiranih kola hitne pomoći za potrebe Kantonalne bolnice Zenica. Delegaciju iz općine Uskudar koja se sastala sa gradonačelnikom Zenice Husejinom Smajlovićem i njegovim saradnicima te predstavnicima Mostova Prijateljstva, činili su



direktor preduzeća za parkove Selcuk Ince, direktor za puteve Suleyman Cadir i saradnik Murat Sancaklı. Posjetili su i predloženu lokaciju parka, kao i područja u nemilskom sливу koja su doži-

vjela elementarne nepogode. Po riječima gostiju iz Turske u aprilu 2015. godine očekuje se otvorenje modernog parka u Zenici koji će zajedno otvoriti načelnici Hilmi Turkmen i Husejin Smajlović.

VISION SERVIS RAČUNARA
KUPOVINOM RAČUNARA NISTE RIJEŠILI SVE PROBLEME!
Posjetite nas u prodajnom salonu na adresi Talića brdo 11 u Zenici
ili nas kontaktirajte putem telefona 032 221 333
ili putem e-maila: kerim@visiondoo.com

!
ZAŠTO ODABRATI NAS?
Nudimo Vam stručnu servisnu podršku
i prodajno osobljje!
Naš servis posjeduje iskustvo i zamjenske dijelove potrebne za
osposobljavanje vašeg računara, monitora ili printerja

032
221-333



ZAŠTITIMO NAŠU DJECU OD DUHANSKOG DIMA!

PASIVNO PUŠENJE

Svaka izloženost duhanskom dimu predstavlja pasivno pušenje. S obzirom da $\frac{3}{4}$ dima zapaljene cigarete ostaje i polako se širi prostorijom, a preostalu $\frac{1}{4}$ sam pušač udahne i ponovo izdahne, on ne ugrožava samo svoje, nego i zdravlje svih onih koji borave u njegovoj okolini, iako ne puše. Naime, ugrožava članove svoje porodice, prijatelje, kolege na poslu te sve ostale u zatvorenim prostorima.

KO SU ŽRTVE PASIVNOG PUŠENJA?

Žrtve pasivnog pušenja su sve osobe koje borave u prostorima u kojima se aktivno konzumira duhan (puši), odnosno osobe koje su redovno izložene duhanskom dimu su i pasivni pušači koji imaju veliku mogućnost da obole od svih bolesti kao i sami pušači.

Djeca su najčešće žrtve pasivnog pušenja.

KAKO PASIVNO PUŠENJE UTJEĆE NA ZDRAVLJE?

Nepušači koji su pasivni pušači obolijevaju od pušačkih bolesti kao i sami pušači. Rizici povezani sa pasivnim pušenjem su dvostruko veći nego što se mislilo ranije. Pasivno pušenje je povezano sa oboljevanjem od:

- oboljenja srca i krvnih sudova (infarkt srca, angina pektoris)
- oboljenja dišnih organa (bronhitis, astma, rak pluća)
- rak dojke kod žena
- smanjena plodnost muškaraca i žena
- povećan broj spontanih pobačaja



Save us from Tobacco!

- rizik od nastanka šećerne bolesti

Poseban problem predstavlja nametanje obrasca ponašanja i obrasca vrijednosti. Naime, roditelji pušači daju primjer ponašanja svojoj djeci pa djeca pušača znatno češće i sami postaju pušači.

osjećati poteškoće, glavobolju, kašalj, mučninu, iritaciju očiju, poremećaj koncentracije i učenja, veću opasnost od pojave astme i bronhitis u dječjoj dobi te raka pluća u budućnosti.

KAKO PASIVNO PUŠENJE UTJEĆE NA ZDRAVLJE DJECE?

Djeca nisu u mogućnosti da sama biraju život u sredini bez duhanskog dima, jer su roditelji ti koji ih najčešće izlažu ovom riziku. Dokazano je da djeca roditelja koji puše imaju u krvi do 50 puta viši nivo opasne supstance koja oštećuje krvne sudove i srce. Ono može češće

KAKO SE ZAŠTITITI OD PASIVNOG PUŠENJA?

Smanjite vrijeme boravka u prostorima u kojima se puši. Podržite zabranu pušenja na javnim mjestima (škole, čekaonice, bolnice, sredstva javnog prevoza, itd.). Utječite na pušače u porodici da ne puše kod kuće i u prisustvu djece.

Vi imate pravo da udišete zrak bez duhanskog dima.

Ako ste pušač, ne trujte svoju djecu i ne pušite u prostoriji u kojoj ona borave.

**DJЕCA IMAJU PRAVO DA ODRASTAJU ZDRAVO.
ZAR VAM JE CIGARETA VAŽNIJA OD ZDRAVLJA VAŠEG DJETETA?!**

Finansira:
Zavod zdravstvenog osiguranja
Zeničko-dobojskog kantona



Pokrovitelj:
Ministarstvo zdravstva
Zeničko-dobojskog kantona



Kantonalni zavod
za javno zdravstvo Zenica

PRVA POMOĆ

Svi smo mi, više ili manje, ranjivi, ali svi imamo sposobnost učenja pružanja prve pomoći kako bismo spasili život, smanjili posljedice povredjivanja ili omogućili dalje liječenje. Ključna je sposobnost da se djeluje brzo i na odgovarajući način u hitnim slučajevima, bez obzira da li se radi o svakodnevnim povredama ili nekoj većoj katastrofi. Iako su očigledne prednosti i koristi učenja prve pomoći i primjene naučenog u praksi, postoje brojni razlozi zašto ljudi ne djeluju u slučaju nužde: iz straha od odgovornosti; nedostatka znanja o pravom toku postupaka; iz pretpostavke da će neko drugi znati šta učiniti.

Obučenost populacije za pružanje prve pomoći u Europi pokazuje različit pristup među pojedinim zemljama. Dok sjevernoeuropske zemlje imaju veći postotak populacije obuhvaćen obukom iz prve pomoći (95% u Norveškoj; 80% u Njemačkoj; 80% u Austriji; 75% na Islandu), ima država koje imaju obuhvat obukom iz prve pomoći od svega 5-10%. Ulaganje u obuku iz prve pomoći nije samo spašavanje života, nego je i isplativo. Pružanje prve pomoći smanjuje težinu povreda i u isto vrijeme smanjuje troškove liječenja, kao i dugoročne posljedice povrede.

Kulturni aspekti značajno utiču na stavove ljudi po pitanju obuke iz prve pomoći. Dok se u nordijskim i anglosaksonskim zemljama ljudi sve više individualno uključuju u poboljšanje svoje zajednice, dotle u južnim i istočnim europskim zemljama, (možda i zbog tradicije jake središnje – centralizovane države) sve se prepusta državnim službama. Te države bi mogle sačuvati značajna sredstva, ako bi više uključile građane kao pojedince. Razvijanje kurseva prve pomoći je izvrstan način da se ljudi učine više svjesnim da njihove vlastite vještine i ponašanja mogu doprinijeti poboljšanju zdravlja i sigurnosti.

Finansira:
Zavod zdravstvenog osiguranja
Zeničko-dobojskog kantona



Mladi i prva pomoć

Istraživanje koje je naručio britanski Crveni križ, utvrdilo je da je svako sedmo dijete u dobi od 11 do 16 godina bilo suočeno s hitnim slučajevima u prethodnih 12 mjeseci.

Zavod za javno zdravstvo Zeničko-dobojskog kantona je organizovao obuku iz prve pomoći u svim osnovnim i srednjim školama na području Kantona. Obuka se provodi prema smjernicama European First Aid Manual 2011 (EFAM 2011) za instruktore prve pomoći koji rade sa zdravstvenim laicima. Obukom je obuhvaćen i određeni broj nastavnog osoblja u školama.

Prva pomoć nije nauka poput urgentne medicine, niti visoka filozofija, nego skup jednostavnih vještina i preporuka za uspješno savladavanje kriznih situacija.

Prva pomoć je više od vještine – to je čin humanosti!



Pokrovitelj:
Ministarstvo zdravstva
Zeničko-dobojskog kantona

NA OSNIVAČKOJ SKUPŠTINI SAVEZA UDRUŽENJA POSLODAVACA ZDK

Za prvog predsjednika Saveza izabran Mladen Perić

U Zenici je nedavno održana Osnivačka Skupština Saveza udruženja/udruga poslodavaca Zeničko-dobojskog kantona, kojoj su prisustvovali predstavnici privrednika iz 10 općina ovog kantona. Jednoglasno su usvojeni svi dokumenti neophodni za osnivanje i početak rada ovog Saveza. Ocijenjeno je da je bilo krajnje vrijeme da se poslodavci – vlasnici privatnih kompanija ZDK organiziraju i kroz jak Savez, čija će baza biti što je moguće svobuhvatnija općinska udruženja iz svih općina ZDK. Politike sadašnje i buduće treba da se kreću oko jasnog dugoročnog plana ekonomskog i svakog drugog razvoja ZDK. Razvijena privreda znači razvijen ZDK, znači bolje plaće, ali i veće i punije budžete. Zato u ovom savezu žele okruženje koje će snažno i beskompromisno podržati razvoj privrede kao svoj prvi prioritet. Potvrđen je i stav da je neadekvatan položaj poslodavaca u procesima pregovaranja i odlučivanja kada je privreda u pitanju, upravo jedan od razloga za ovako lošu situaciju u realnom sektoru.



Zato bi Savez udruženja/udruga poslodavaca ZDK, trebao postati partner Vladi ZDK i sindikatima u poboljšanju poslovnog okruženja u ovom kantonu. Prvog predsjednika Skupštine inače daje Udruženje privrednika iz Doboja Juga, dok Upravni odbor Saveza čine po jedan predstavnik općinskih udruga iz svake općine ZDK. Ovom prilikom je za prvog predsjednika Saveza udruženja/udruga poslodavaca ZDK na period od godinu dana izabran predsjednik Upravnog odbora Udruženja poslodavaca Zenica, Mladen Perić, direktor i vlasnik kompanije PERO d.o.o. iz Zenice.

PREZENTACIJA AUTOHTONE RASE GOLUBA

Zenički prevrtač među osnovcima

Udruženje građana za uzgoj i zaštitu sitnih životinja Zenica prezentiralo je primjerke autohtone rase goluba Zenički prevrtač učenicima OŠ „Musa Ćazim Čatić“ u Zenici. „Bila je to prilika da se naši najmlađi sugrađani druže sa životnjama, razvijaju ljubav prema golubovima i prema svim drugim sitnim životnjama. Predstavnici Udruženja su ponudili svoju pomoć u narednom periodu učenicima, ukoliko bilo ko od njih bude imao neka pitanja u vezi sa nabavkom, ishranom ili liječenjem kućnih ljubimaca bilo koje vrste. Slična akcija je u istom



periodu provedena i u saradnji sa Odbojkaškim klubom „Čelik-R“ Zenica“, objasnili su iz pomenutog udruženja. Ciljana grupacija prilikom prezentacije Zeničkih prevrtača bili su učenici različitih uzrasta osnovne škole, kako bi se kod njih pobudila ljubav prema golubovima i drugim sitnim životnjama. Namjera je potaći ih da počnu dolaziti na izložbe sitnih životinja koje u Zenici skoro tri decenije održavaju u organizaciji Udruženja građana za uzgoj i zaštitu sitnih životinja Zenica. Naravno, najvažniji cilj ove aktivnosti je animirati najmlađe



sugrađane da i sami počnu uzgajati golubove ili neke druge kuće ljubimce, jer je nepisano pravilo da „ko voli životinje, voli i ljudе“. Učenici i sportaši su pokazali veliko interesovanje za prezentovane životinje, kao i za predstojeće

izložbe sitnih životinja koje će se organizovati u Zenici. To je dokaz da ako se na vrijeme počne raditi sa najmlađim uzrastima, moguće je djecu skloniti sa ulice prije nego što su i imali priliku da dospiju na ulicu.


MJESEC KNJIGE U ZENIČKOJ BIBLIOTECI

Promovisana monografija o borilačkim vještinama



Ovogodišnja manifestacija Mjesec knjige u Općoj biblioteci u Zenici počela je predstavljanjem naučne monografije "Nastanak i razvoj borilačke umjetnosti, tjelesnog vježbanja i plesa kao sustava u svijetu", autora dr. sc. Amira Topoljaka iz Zenice. „Autor monografije Amir Topoljak iza sebe već ima tri koautorska rada, brojne autorske radove i učešća na brojnim skupovima u zemlji i inostranstvu te priznanja za rad u sportu. Riječ je o knjizi koja obrađuje historiju borilačkih, ali i drugih sportova, tjelovježbe i plesa. Radi se o prvoj knjizi ovakve vrste na prostorima BiH”, kazao je Midhat Kasap, direktor Opće biblioteke u Ze-

nici, promotor ove knjige. Amir Topoljak je objasnio kako je ova naučna monografija njegovo dugogodišnje istraživanje, čak i iz doktorske disertacije te je odlučio prije dvije godine da publikuje ovo naučno djelo. Knjiga je namijenjena za Univerzitet, ali i sve one koji se bave ovom tematikom. Izdavač je Opća biblioteka iz Tešnja.



NOGOMETNI TURNIR ZENIČKOG TEMPO SPORTA

Učestvovale 24 ekipe iz cijele BiH

U organizaciji nogometne škole "Tempo Sport" Zenica održan je memorijalni turnir "Harun Mujkić", nazvan po nedavno tragično preminulom devetogodišnjem polazniku ove zeničke nogometne škole. Na turniru su učestvovalo 24 ekipe iz cijele BiH (Sarajevo, Kakanj, Pale, Tuzla, N. Travnik, Kalesija, Bugojno, Dobojski Brod, Banja Luka, Bosanski Brod, Zenica), koje su u dva dana pokazale da naša zemlja obiluje nogometnim talentima. U finalnim utakmicama snage su odmjerile ekipe domaćina "Tempo Sport" i "Olimp"-a sa Pala, gdje je slavio domaćin sa 5:0, osvojivši tako prvo mjesto u kategoriji 2004. godišta, dok su na trećoj poziciji završili



mladi nogometari "Respect"-a iz Kalesije. U kategoriji 2005. godište prvo mjesto pripalo je ekipi "Rijeke" iz Viteza koja je u finalu savladala vršnjake "Sport Prevent"-a iz Bugojna, dok su trećeplasirani nogometari SK "Prijatelji" iz Bosanskog Broda. Kompletna organizacija protekla je bez problema, a Zenica se još jednom pokazala sjajnim domaćinom sportskih manifestacija gdje su mladost i druženje u centru pažnje.

ŠKOLA RUKOMETA “ČELIK JUNIOR” ZENICA

Počeo upis novih članova



Škola rukometa "Čelik Junior", poznata po velikom broju atraktivnih projekata vrši upis novih članova. Do sada se preko stotinu dječaka i djevojčica pronašlo u rukometu te bilježe prve uspjehe sa ovim sportskim kolektivom. Početkom novembra vrata škole rukometa se otvaraju i svim ostalim dječacima i djevojčicama koji imaju volju da se zabave, putuju, treniraju i druže u "porodici" Čelik Junior. Početkom naredne

godine dječaci i djevojčice iz ovog kluba će posjetiti Luksemburg, Holandiju i Italiju, gdje će učestvovati na zimskom kampu te biti domaćini najboljim ekipama regionala na Turniru prijateljstva u Zenici, od 8. do 11. januara. Iz ŠR Čelik Junior pozivaju sve zainteresovane da se jave na broj telefona 061 469 424 ili putem facebook stranice, gdje mogu dobiti sve potrebne informacije: www.facebook.com/SRCelikJunior.

NOVO !!!

Isprovajte po promotivnim cijenama

- **radiofrekvencija lica**
(lice + dekolte) • 50 KM - 45 min.
- **kavitacija + lipoliza + vakum**
(po jednoj zoni tijela) • 50 KM - 75 min.

INFORMACIJE NA 061 769 308 / 063 292 094



Frizersko-kozmetički salon
Ul Mehmedalije Tarabara bb,
Poslovni centar AKSA
Shopping centar Džanjanović

Potražite nas na



LIGA NAVIJAČA ZENICA

Druga sezona pri kraju

Druga sezona Lige navijača Zenica polako se bliži kraju. Ove sezone učestvuje 12 ekipa i konkurenca je mnogo teža nego protekle sezone. Kroz Ligu je prošlo mnogo poznatih imena BH nogometne scene: Senad Brkić, Nermin Šabić, Vitomir Paškalj, Izudin Hadžiahmetović, Semir Sofić, Fenan Salčinović, Armin Duvnjak... Prošlogodišnji prvak, ekipa navijača minhenskog Bayerna, i ove je sezone u borbi za titulu no ekipa navijača Lecha, u odigranih 15 kola, vrh tabele никако da prepusti protivnicima. Na listi strijelaca i ove godine prednjači prošlosezonski golgeter Amir Gavranović, ali do kraja sezone ima još da se igra. Nakon odigrane druge sezone osam najboljih ekipa odigrat će 2. EuroFan Cup kada će, kao i početkom ove godine, najboljima biti uručene i nagrade.



NOGOMETNI SAVEZ ZDK

Pomoć za sedam klubova



Izvršni odbor Nogometnog saveza ZDK na redovnoj 16. sjednici, osim informacija o radu nogometnih saveza u Federaciji BiH i Nogometnog/Fudbalskog saveza BiH, usvojio je i informaciju o završetku jesenjeg dijela takmičenja u Kantonalnoj ligi, u kojoj je jesenji prvak Borac iz Tetova. Izvršni odbor usvojio je i zaključak o dodjeli finansijske pomoći za sedam klubova sa

područja Kantona koji su pretrpjeli štetu u majske poplavama. Klubovi su dobili po 1.000 KM pomoći, a to su: Nemila, Proleter Makljenovac, Natron Maglaj, Krivaja Zavidovići, Mladost Dobojsko, Kaknja, Novi Šeher i Stupčanica Olovo. Nogometni savez ZDK također je pomogao klubovima kod izrade aplikacija za finansijsku pomoć, koju će bh. savez dobiti od UEFA.

PREMIJER LIGA BIH ZA RUKOMETAŠE

U nedjelju derbi Čelik - Izviđač

Rukometni klub Čelik lider je na premijerligaškoj tabeli, a već u naредnom 9. kolu zeničke rukometne čeka još jedno veliko iskušenje. Naime, u nedjelju u Areni Zenica, sa početkom u 17,30 sati, dočekuju, uz sarajevsku Bosnu, vjerovatno i najvećeg rivala u borbi za prvo mjesto, ekipu Izviđača iz Ljubuškog pa su ovom prilikom iz tabora Čelika pozvali sve zeničke ljubitelje sporta da u što većem broju dođu na ovaj rukometni spektakl. "Mi veoma respektujemo ekipu „Izviđača”, koja je četverostruki prvak BiH i dvostruki pobjednik Kupa BiH, ali isto tako se maksimalno ozbiljno pripremamo za ovaj veliki derbi jesenjeg dijela Premijer lige BiH, gdje svakako očekujemo tri pobjeda i ostanak na liderskoj poziciji. Ono što je svakako najbitnije u ovom trenutku je da nemamo povrijeđenih igrača pa je samim tim i raspoloženje



u ekipi izvanredno, dok se nakon boravka u Iranu vratio i Davor Kadić, koji je već bio u sastavu protiv „Lokomotive“ u Brčkom, a gdje je Čelik slavio sa čak 10 golova razlike. Inače, RK Izviđač je naš istinski sportski prijatelj i tako ćemo ih u Zenici dočekati i isprati sa najvećim poštovanjem i respektom, ali bodovi ostaju u Zenici“, istakao je predsjednik RK „Čelik“ Pane Škrbić.

LIGA SREDNJA BOSNA ZA MLADE RUKOMETASICE

Dominacija Čelik Juniora

Proteklih dana počelo je takmičenje rukometasica u Prvoj ligi Srednja Bosna, i to u dvije selekcije - kadetkinje i juniorke. Ono što je zabilježeno nakon prvog kola lige jeste apsolutna dominacija djevojaka iz ŠR „Čelik Junior“ Zenica u obje selekcije. Naime, prošle sedmice kadetkinje Čelik Juniora su savladale ekipu ŽRK „Krivaja“ iz Zavidovića rezultatom 22:15 (poluvrijeme 10:10), dok su juniorke ovog kluba, koje inače brane titulu prvakinja, na gostovanju kod ŽRK Vitez slavile sa 17:18 (poluvrijeme 4:7). Trenerica Afrodita Šahdan

Zeljko je zadovoljna rezultatima, ali ističe da tu ima još puno mesta za napredak i daleko bolju igru: "Naše djevojke su pokazale veliki kvalitet i psihičku stabilnost u utakmicama prvog kola lige Srednja Bosna. Utakmice su bile jako napete i teške, ali mi možemo daleko bolje. Vjerujem da će djevojke ŠR „Čelik Junior“ već narednog vikenda u utakmici protiv ŽRK Bosna Visoko prikazati daleko bolju igru te napraviti veliki korak ka osvajanju titule šampionki u selekciji kadetkinja, ali i odbraniti titulu u selekciji juniorki."



KOŠARKAŠICE ČELIKA DOČEKUJU SLOVENAČKI GROSBAKET

Sezonu žele otvoriti pobjedom

Košarkašice Čelika u srijedu, 5. novembra, sa početkom u 16 sati, u zeničkoj Areni dočekuju slovenački Grosbasket iz Gospodnje. Ekipa koju sa klupe vodi Slobodan Kecman nakon prva dva kola u kojima je pauzirala, igra prvi meč u novoj sezoni Međunarodne ženske regionalne košarkaške lige i nadaju se da će sa pobjedom krenuti u ovom takmičenju, u kojem osim bh. i slovenačkih, nastupaju još ekipe iz Srbije, Hrvatske, Makedonije, Crne Gore i Italije. "Sve igračice jedva očekuju utakmicu sa Gro-

supljem. Mislim da smo se dobro spremili. Udarne igre slovenačkog tima su Zvjezdana Gagić, naša bivša igračica i Amerikanka Alissa Lankster. Mislim da smo kvalitetniji i očekujem pobjedu", kazao je Kecman. Maida Rahmanović je istakla da je bitno s pobjedom ući u sezonu, ali i da svi koji kupe ulaznicu za ovaj meč pomažu liječenje teško oboljelog mladića. Jasmina Bigović je naglasila da je ekipa malo drugačija u odnosu na prošlu sezonu, da su sada tu Nataša Popović i Tamara Petković koje su se odlično uklopile.



Očekuje dobru utakmicu i naročito da će ekipa slaviti. Utakmica će inače biti humanitarnog karaktera, jer će sav prihod od prodatih ulaznica, koje koštaju 2 KM, biti

doniran za liječenje 23-godišnjeg Zeničanina Filipa Blaževića, studenta Prirodnog – matematičkog fakulteta u Sarajevu koji je teško obolio od akutne leukemije.

PRVENSTVO BIH ZA KOŠARKAŠE

U nedjelju komšijski derbi Čelik - Kakanj

Zbog odustajanja ekipе KK „Posušje“ iz sistema takmičenja u Prvenstvu BiH, Košarkaški savez Bosne i Hercegovine u ponedjeljak je donio Odluku o izradi novog rasporeda i kalendara takmičenja za sezonu 2014/2015. Novi raspored takmičenja donio je i određene promjene pa će OKK Čelik tako u nedjelju (sa početkom u 20 sati) u Areni Zenica, u okviru trećeg kola Lige 12 ugostiti komšije, ekipu KK Kakanj, a ne KK HEO iz Bileće, kako je bilo određeno prvobitnim žrijebom. Inače, košarkaši Čelika su u prva dva kola upisali domaći poraz od Leotara te nedavno u Višegradi od ekipе Varde, tako da su sada pred imperativom pobjede u duelu sa Kakanjcima, koji su pak u prethodna dva kola slavili prvo kod kuće nad ekipom HEO, a zatim i na gostovanju kod Bosne Royal.



DIGITALNE FOTOGRAFIJE

Format 10x15
0,20 KM

Kodak Express Digital Solutions

TC DŽANANOVIĆ

TEL. 032/246-180

ZUNICZENICA@BIH.NET.BA

SVAKE NEDELJE AKCIJA

FOTOGRAFIJE 10x15 cm

* Sa svih vrsta digitalnih media

samo

0,20 KM

URADITE 100 FOTOGRAFIJA ZA SAMO

20 KM



FOTO ZUNIC



APEL ZA POMOĆ

Pomozimo 23-godišnjem Zeničaninu Filipu Blaževiću

Filip Blažević, 23-godišnji Zeničanin, student Prirodno-matematičkog fakulteta u Sarajevu, teško je obolio od akutne leukemije, leucosis myeloica acuta. Liječenje je potrebno nastaviti u Njemačkoj, a za prvi ciklus liječenja potrebno je platiti 23.000 € te 138.000 € za transplantaciju koštane srži, što on i njegova porodica nisu u mogućnosti učiniti. Stoga se mole svi dobrilići, svi koji su u mogućnosti da svojom finansijskom donacijom pomognu.

Uplate iz Bosne i Hercegovine(UniCredit Banka) mogu se učiniti na broj računa: 403 835 65 000, za ostale banke na transakcijski račun: 3385 8026 3075 2011. Kada su u pitanju uplate iz inostranstva mogu se dati uz naznaku za Filipa Blaževića na banku UniCredit Bank, Kardinala Stepinca bb, 88.000 Mostar, SWIFT:UNCRBA 22, IBAN: BA39 3386 9028 3550 5279 i broj deviznog računa: 4038 3565 101. UPLATE preko PayPal-a: blazevic.filip91@gmail.com.

PROMOVISANA STIHOZBIRKA EMIRA SOKOLOVIĆA „Poetica demonica“ u Beogradu

Stihobirkica „Poe-tica demonica“ zenič-ko-g književnika Emira Sokolovića doživjela je svoju promociju u Ustanovi kulture Palilula u Beogradu. Taj događaj je bio, ujedno, i prvo i željno očekivano pojavljiva-nje autora kojii, koliko



god pogovore za impresivnu predhodnu knjigu „Lako je jurišati na nebo koje čuti...“ pisali srpski stvaraoci, se do sada nije pojavljivao. Sokolović je do sada objavio sedam ukoričenja i prevođen je na mnoge jezike i objavljuvan u antologijama van balkanskih prostora, učesnik je Melničkih večeri poezije, Međunarodnog simpozijuma aromanske kulture i poezije, Struških večeri te je ove godine ponio italijansku nacionalnu nagradu „Citta di Sarzana“ kao najbolji strani autor. Beogradska promocija je vođena sigurnim smjerom od strane domaćina i pisca jednog od

dva pogovora „Poetice demonice“ Marine Đenadić, koja je ovog puta akcentuaciju u stihozbirci stacionirala na autorskom traganju za prajezikom. Uz to je apostrofirala da su poetski postavljeni demoni, u suštini, modifikacije riječi i onoga s čime se autor nosio. I, kako sama kaže: „Jako inventivno, specifično i odgovorno...“. Organizator promocije je bila dizajnerka Jelena Rončević koja, također, nije skrivala zadovoljstvo uspjehom koji je postigla, kako knjiga, tako i promocija koja je okupila u publici vidna kreativna imena: od Angeline Petrović do Gorana Sultanovića...

Sapienti sat



Poslovna zona Zenica 1 Tel 032 441 291 www.bpanel.ba



A crossword puzzle grid with numbered squares (1-46) and blacked-out areas. The grid is partially filled with letters. To the right of the grid, a woman with long blonde hair, wearing a red tank top, is holding a basketball.

Vodoravno: 1. Sa kose strane; 7. Njemački anatomist i embriolog August; 8. Dio glave, faca; 9. Bezbojna uljasta tekućina karakteristična mirisa, važan za dobivanje sintetskih bojila i lijekova; 11. Egipatski Bog Sunca; 12. Šarenorepa papiga; 13. Glavni grad Grčke; 15. Human Resources Services, skr.; 16. Artiljerac, rukovalac topom; 22. Gornja vilica, lat.; 24. Pakistan Air Force, skr.; 25. Muško ime; 26. Popisi prihoda i prava zemljišnih vlastelinstava, lat.; 28. Štampar; 30. Kosta Nađ; 31. Planina Bogova u Grčkoj; 33. Kafana, buffet, mn.; 35. Vladimir Arsenijević; 36. Curiti kap po kap; 38. Naplata u gotovom, lat.; 40. Planinski masiv u Evropi; 42. Gospodin, kir, grč.; 43. Vozač tenka; 45. Prostor za vozača, kokpit; 46. Real Time Interface, skr.

Uspravno: 1. Ime i prezime ličnosti sa slike; 2. Stara autooznaka Sarajeva; 3. Vrsta akvarijske ribice; 4. Količinom velik, obilat; 5. Rezati, u anatomiji; 6. Borilište, ring; 10. Na-zad; 14. Tražiti; 17. Limeni žlijeb za odvođenje kišnice sa krovova; 18. Razbojnik, propalica, nitkov; 19. International Publishers Association, skr.; 20. Koje su jarkih boja; 21. Sklonosti ka nečemu; 23. Snimljeni materijal; 27. Oštar; 29. Pasti s nečega, otpasti; 32. Sprava za obradu lana; 34. Najsjitniji austrougarski novac; 37. Bod u sportu; 39. Key Recovery Agent, skr.; 41. Uzvijk uštkivanja; 44. Natrijum.

Rješenja iz prošlog broja: azbuka, murtat, e, solo, litva, tn, abu, uterus, kal, kijamet, abakar, niče, uta, aids, a, klimaks, akt, ravan, talir, ic, tokar, ra, milana, kibl, oja, sumaran, variača, aio.

IMPRESSUM: Magazin Superinfo izdaje "SUPERINFO" d.o.o. Zenica, Štrosmajerova 11. (zgrada Izgradnje, II sprat.), Tel. 032/463-232, www.superinfo.ba; superinfo@superinfo.ba; Reg.br. 043-0-Reg-06-002101, Matični broj 1-9625; PDV broj: 218552430000; Direktorkica **Zumretा Tufekčić**, Tel. 063/992-102; Tehničko uredjenje: **Selver Omerović**; Tiraž izdanja: 20.000 primjeraka; Štampa: Unioninvestplastika d.d. Semizovac bb, Reg. br. 1-17984

Surfajte više u Super tarifama uz Samsung GALAXY CORE2 za 1KM*



*U tarifi Super 25 uz ugovor na 24 mjeseca.

HTERONET

Jer vrijedi.

www.hteronet.ba

GLEDAJ

OD ČEGA ĆEŠ ŽIVJET'!

Sajam za obrazovanje i
zapošljavanje

naučite - istražite - povežite se

21. novembar 2014.
zenička Arena

Prilika za upoznavanje s programima obrazovanja, zapošljavanja,
školarina i stipendija.

Šansa da upoznate poslodavce ali i predstavnike međunarodnih
organizacija i institucija koji pomažu BiH da smanji nezaposlenost i
ojača tržište rada i obrazovanja.

